

usque dum dicam tibi. Et reliqua.

Homilia sancti Joannis Chrysostomi.

Ex Homil. viij. in Matth. ante medium.

UÆ cum audisset Joseph, nequam passus est scandalum, neque dixit: Incerta ista res est, ac prorsus ambigua. Tu paulo ante dicebas, quia salvabit populum suum, et nunc seipsum quidem non potest de periculis liberare: sed fuga nobis est necessaria, et peregrinatio, ac transmigratio longinqua. Contraria omnino sunt facta promissis. Sed horum nihil prorsus opponit: vir enim erat fidelis: neque reversionis tempus curiose inquit, quod utique ab Angelo non signate fuerat expressum: sed: Esto ibi, inquit, usquequo dicam tibi.

✠. Cantabant sancti canticum novum ante sedem Dei et Agni: * Et resonabat terra in voces eorum. ✎. Hi empti sunt ex hominibus primitiae Deo et Agno, et in ore ipsorum non est inventum mendacium. — Et resonabat.

LECTIO VIIF.

Verum ille nec per ista quidem factus est senior, sed obedivit libenter, et credidit, omnes prorsus tribulationes cum gaudio sustinendo. Enimvero misericors Deus moestis rebus quaedam etiam jucunda permiscuit. Quod certe in sanctis omnibus facit, quos neque tribulationes, neque jucunditates sinit habere continuas: sed tum de adversis, tum ex prosperis justorum vitam quasi admirabili varietate contexit. Quod hic quoque eum fecisse considera.

✠. Vidi sub altare Dei animas interfectorum propter verbum Dei quod habebant, et clara voce dicebant: * Vindica Domine sanguinem sanctorum tuorum, qui effusus est. ✎. Sub throno Dei omnes sancti clamant. — Vindica. Gloria Patri. Vindica.

LECTIO IIF.

Videndo quippe factus Joseph gravidam Virginem, in conturbationem incidit maximam: sed adfuit repente Angelus, timorem prorsus exstinguens. Deinde vi-

dens puerum natum, maxima exultatione repletus est: sed rursus huic etiam gaudio periculum grande successit, cum tota utique civitas turbaretur, ipse rex fureret, et ad necem puerum quaereret. Sed et hunc moerorem alia rursus laetitia subsecuta est, apparitio videlicet stellae, et adoratio Magorum. Post hanc quoque jucunditatem, iterum periculum, iterumque formido. Quærit, inquit, Herodes animam pueri, et fugere necesse est, et in longinqua transire.

Te Deum laudamus. 20.

Ad Laudes, et per Horas, omnia ut in die Festi, 294. omissis Commemorationibus.

IN II. VESPERIS.

Añæ, Capit. et Hymn. ut in Laud. 294.

Psalmi de Domin. 150. et loco ult. Ps. Credidi. 155.

✎. et Añæ ad Magnif. ut in die. 296.

Et fit Commem. de Vigilia Epiphaniæ, Añæ. Puer Jesus proficiebat ætate et sapientia coram Deo et hominibus.

✎. Notum fecit Dominus, alleluia. ✠. Salutare suum, alleluia.

Oratio.

OMnipotens sempiternus Deus, dirige actus nostros in beneplacito tuo: ut in nomine dilecti Filii tui mereamur bonis operibus abundare. Qui tecum vivit et regnat.

Deinde S. Telesphori Patre et Mart. Añæ. Iste sanctus pro lege Dei sui certavit usque ad mortem, et a verbis impiorum non timuit: fundatus enim erat supra firmam petram. ✎. Gloria et honore coronasti eum Domine. ✠. Et constituisti eum super opera manuum tuarum.

Oratio.

DEus, qui nos beati Telesphori Martyris tui atque Pontificis annua solemnitate lætificas: concede propitius, ut cujus natalitia colimus, de ejusdem etiam protectione gaudeamus. Per Dominum nostrum.

IN VIGILIA Epiphaniæ.

Officium fit Semiduplex.

AD MATUTINUM.

Omnia dicuntur ut in Circumcisione Dñi, 318. exceptis Lectionibus et aliis quæ infra ponuntur.

In I. Nocturno.

De Epistola ad Romános.

Lectio j. Cap. vij.

N ignorátis fratres (sciéntibus enim legem loquor) quia lex in hómine dominátur quanto témpore vivit? Nam quæ sub viro est múlier, vivénte viro, alligáta est legi : si autem mórtuus fúerit vir ejus, solúta est a lege viri. Igitur, vivénte viro, vocábitur adúltera si fúerit cum álio viro : si autem mórtuus fúerit vir ejus, liberáta est a lege viri : ut non sit adúltera si fúerit cum álio viro.

R. Ecce Agnus Dei, ecce qui tollit peccáta mundi : ecce de quo dicébam vobis : Qui post me venit, ante me factus est :
* Cujus non sum dignus corrigiam calceaménti sólvare. **V.** Qui de terra est, de terra lóquitur : qui de cœlo venit, super omnes est. — Cujus non sum.

Lectio ij.

ITaque fratres mei et vos mortificáti estis legi per corpus Christi : ut sitis altérius, qui ex mórtuis resurrexit, ut fructifi-

cémus Deo. Cum enim essémus in carne, passiones peccatórum, quæ per legem erant, operabántur in membris nostris, ut fructificárent morti. Nunc autem solúti sumus a lege mortis, in qua detinebámur, ita ut serviámus in novitáte spíritus, et non in vetustáte lítteræ.

R. Dies sanctificátus illúxit nobis : veníte Gentes, et adoráte Dóminum :
* Quia hódie descendit lux magna in terris. **V.** Hæc dies quam fecit Dóminus, exsultémus et lætémur in ea. — Quia.

Lectio iij.

Quid ergo dicémus? Lex peccátum est? Absit. Sed peccátum non cognóvi, nisi per legem : nam concupiscéntiam nesciébam, nisi lex diceret : Non concupísces. Occasióne autem accépta, peccátum per mandátum operátum est in me omnem concupiscéntiam. Sine lege enim peccátum mórtuum erat. Ego autem vivébam sine lege aliquándo. Sed cum venisset mandátum, peccátum revíxit.

R. Benedíctus. 321.

In II. Nocturno.
Sermo sancti Augustini
Episcopi.

Serm. xij. de Tempore.**Lectio ib.**

Ominus noster Jesus Christus, fratres caríssimi, qui in ætérnum est cunctórum Créator, hódie de matre nascéndo factus est nobis Salvátor. Natus est nobis hódie in témpore per voluntátem, ut nos perdúcat ad Patris æternitátem. Factus est Deus homo, ut homo fieret Deus : ut pānem Angelórum manducáret homo, Dóminus Angelórum hódie factus est homo.

R. Congratulámini mihi omnes, qui dilígitis Dóminum :
* Quia cum essem párvula, plácui Altíssimo, et de meis viscéribus genui Deum et hóminem. **V.** Beátam me dicent omnes generatiónes, quia ancíllam húmílem respéxit Deus. — Quia.

Lectio v.

Hodie impléta est prophetía illa, quæ dicit : Roráte cœli désuper, et nubes pluant justum : aperiátur terra, et germinet Salvátorem. Factus est igitur qui fécerat, ut inve-

nirétur qui perierat. Sic enim in Psalmis homo confitétur : Priúsqvam humiliárer, ego peccávi. Peccávit homo, et factus est reus : natus est homo Deus, ut liberarétur reus. Homo igitur cécidit, sed Deus descendit. Cécidit homo miserabiliter, descendit Deus misericórditer. Cécidit homo per superbiam, descendit Deus cum grátia.

R. Confirmátum est cor Vírginis, in quo divína mystéria Angelo nuntiánte concépit : tunc speciósum forma præ fíliis hóminum castis suscepit viscéribus :
* Et benedícta in ætérnum, Deum nobis protulit et hóminem. **V.** Domus pudíci pectoris, templum repénte fit Dei, intácta nesciens virum, verbo concépit Fílium. — Et benedícta.

Lectio vj.

OMirácula, o prodigia, fratres mei. Naturæ jura mutántur in hómine! Deus nascitur, virgo sine viro gravidátur, viri nesciam sermo Dei marítat; simul facta est mater et virgo; mater facta, sed incorrupta; virgo habens fílium, nesciens virum;

semper clausa, sed non infecunda. Solus enim sine peccato est natus, quem sine virili complexu non concupiscencia carnis, sed obediencia genuit mentis.

R. Benedicta. 325.

In III. Nocturno.

Lectio sancti Evangelii secundum Matthæum.

Lectio vij. **Cap. ij. d**

In illo tempore : Defuncto Herode, ecce Angelus Domini apparuit in somnis Joseph in Ægypto, dicens : Surge, et accipe puerum, et matrem ejus, et vade in terram Israel. Et reliqua.

Homilia sancti Hieronymi Presbyteri.

Lib. I. Comm. in cap. ij. Matthæi.



X hoc loco intelligimus, non solum Herodem, sed et sacerdotes et Scribas eodem tempore necem Domini fuisse meditato. Qui surgens accepit puerum, et matrem ejus. Non dixit, Accipit filium suum, et uxorem suam : sed puerum, et matrem ejus ; quasi nutritius, non maritus.

R. Sancta et immaculata virginitas, quibus te laudi-

bus offeram nescio : * Quia quem cœli capere non poterant, tuo gremio contulisti. **V.** Benedicta tu in mulieribus, et benedictus fructus ventris tui. — Quia.

Lectio viij.

Audiens autem quod Archelaus regnaret in Judæa pro Herode patre suo, timuit illo ire. Multi labuntur errore propter ignorantiam historiae, putantes eundem esse Herodem, a quo in passione sua Dominus irridetur, et qui nunc mortuus esse referatur. Ergo Herodes ille, qui cum Pilato postea amicitias fecit, hujus Herodis filius est, frater Archelai.

R. Nesciens mater virgo virum, peperit sine dolore : * Salvatorem sæculorum, ipsum Regem Angelorum, sola virgo lactabat ubere de cœlo pleno. **V.** Domus pudici pectoris, templum repente fit Dei : intacta nesciens virum, verbo concepit Filium. — Salvatorem. **Gloria Patri. Salvatorem.**

Lectio ix.

Quoniam Nazaræus vocabitur. Si fixum de Scripturis posuisset exem-

plum, nunquam diceret : Quod dictum est per Prophetas ; sed simpliciter : Quod dictum est per Prophetam : nunc autem pluraliter Prophetas vocans, ostendit se non verba de Scripturis sumpsisse, sed sensum. Nazaræus sanctus interpretatur. Sanctum autem Dominum futurum omnis Scriptura commemorat.

Te Deum laudamus. 20.

AD LAUDES,

et per Horas, Añæ.

1. O admirabile commercium : * Creator generis humani, animatum corpus sumens, de Virgine nasci dignatus est : et procedens homo sine semine, largitus est nobis suam Deitatem.

Psalmi de Dominica. 21.

2. Quando natus es * ineffabiliter ex Virgine, tunc implète sunt Scripturæ : sicut pluvia in vellus descendisti, ut salvum faceres genus humanum : te laudamus Deus noster.

3. Rubum quem viderat Moyses * incumbustum, conservatam agnovimus tuam laudabilem virginitatem : Dei Genitrix intercede pro nobis.

4. Germinavit radix Jesse : * orta est stella ex

Jacob : Virgo peperit Salvatorem : te laudamus Deus noster.

5. Ecce Maria * genuit nobis Salvatorem, quem Joannes videns exclamavit, dicens : Ecce Agnus Dei, ecce qui tollit peccata mundi, alleluia.

Capitulum. Galat. iv.

Fratres, Quanto tempore heres parvulus est, nihil differt a servo, cum sit dominus omnium : sed sub tutoribus et actoribus est usque ad præfinitum tempus a patre.

Hymnus.

A Solis ortus cardine Ad usque terræ litem, Christum canamus Principem,

Natum Mariæ Virgine. **B**eatus Auctor sæculi Servile corpus induit : Ut carne carnem liberans, Ne perderet quos condidit.

Castæ parentis viscera Cœlestis intrat gratia : Venter Puellæ bajulat Secreta, quæ non noverat.

Domus pudici pectoris Templum repente fit Dei : Intacta nesciens virum, Concepit alvo Filium.

Enittitur puerpera, Quem Gabriel prædixerat,

Quem ventre Matris gé-
stiens,
Baptista clausum sense-
rat.

Fœno jacere pertulit :
Præsepe non abhorrui :
Et lacte modico pastus
est,

Per quem nec ales esurit.
Gaudet chorus Cœlestium,
Et Angeli canunt Deo ;
Palamque fit pastoribus
Pastor, Creator omnium.
Jesu, tibi sit gloria,
Qui natus es de Virgine,
Cum Patre, et almo Spiritu,
In sempiterna sæcula.

Amen.

℣. Verbum caro factum
est, allelúia. ℞. Et habitá-
vit in nobis, allelúia.

Ad Bened. Añã. Dum
medium silentium *tené-
rent omnia, et nox in suo
cursu medium iter perá-
geret, omnipotens sermo
tuus Dómine a regálibus
sédibus venit, allelúia.

Oratio.

Omnipotens sempitérne
Deus, dirige actus no-
stros in beneplácito tuo :
ut in nómine dilécti Filii
tui mereámur bonis opéri-
bus abundare. Qui tecum
vivit et regnat.

Et fit Commem. S. Teles-
phori Papæ et Mart. Añã.
Qui odit animam suam in

hoc mundo, in vitam ætér-
nam custódit eam.

℣. Justus ut palma floré-
bit. ℞. Sicut cedrus Libani
multiplicábitur.

Oratio.

Deus, qui nos beáti
Telésphori Mártiris
tui atque Pontíficis ánnua
solemnitate lætificas: con-
cede propítius, ut cujus
natalítia cólimus, de ejús-
dem étiam protectióne
gaudeámus. Per Dómi-
num nostrum.

Ad Primam in ℞. br. di-
citur ℣. Qui natus es de
María Virgine.

Et non dicuntur Preces.

Ad Absolutionem Capi-
tuli dicitur Capitulum
Nonæ.

AD TERTIAM.

Capitulum. Galat. iv.

Fratres, Quanto tém-
pore heres párvulus
est, nihil differt a servo,
cum sit dóminus omnium :
sed sub tutóribus et actó-
ribus est usque ad præfíni-
tum tempus a patre.

℞. br. Verbum caro fa-
ctum est, * Allelúia, alle-
lúia. Verbum. ℣. Et habi-
távit in nobis. Allelúia,
allelúia. Glória. Verbum.

℣. Ipse invocábit me, al-
lelúia. ℞. Pater meus es
tu, allelúia.

AD SEXTAM.

Capitulum. Galat. iv.

AT ubi venit plenitúdo
témporis, misit Deus
Fílium suum factum ex
muliere, factum sub lege :
ut eos, qui sub lege erant,
redimeret : ut adoptiónem
filiórum reciperémus.

℞. br. Notum fecit Dómi-
nus, * Allelúia, allelúia.
Notum. ℣. Salutáre suum.
Allelúia, allelúia. Glória
Patri. Notum.

℣. Vidérunt omnes fines
terræ, allelúia. ℞. Salu-
táre Dei nostri, allelúia.

AD NONAM.

Capitulum. Galat. iv.

Itaque jam non est ser-
vus, sed filius : quod
si filius, et heres per
Deum.

℞. br. Vidérunt omnes
fines terræ, * Allelúia, alle-
lúia. Vidérunt. ℣. Salutáre
Dei nostri. Allelúia, alle-
lúia. Glória Patri. Vidé-
runt.

℣. Verbum caro factum
est, allelúia. ℞. Et habi-
távit in nobis, allelúia.

Vesperæ de Epiphania.
Duplex.

